

静修先生文集

四

靜修先生文集卷之九

七言律詩

有客

門前有客通名姓一別十年記憶無鬢髮俱驚各衰白
行藏已涉幾榮枯急呼滿酌辭醅軟聊用親嘗補飯瓮
深感故來兼久候送歸雖病不須扶

雨夜

夢覺呼童問幾更未應先作不平鳴山深六月有秋意
夜靜蒲城惟雨聲四海虛名此身愧百年浮世寸心驚
誰教簷溜如愁思欲斷還連直到明

現前

萬事除無取現前此身隨處可周旋居南懷北豈安土
已夏願春非樂天誰謂包涵心有外我知彌道無漏

靜修先生

一

洞觀今古平平在曠盡區區智與權

上塚

鄉隣見戲說兒童日日相邀社酒紅故國無家仍是客
病軀未老錯呼翁里胥驗帖微游戶縣長聞名謁下風
欲向溪南訪喬木不禁煙雨正空濛

桃花菊

東籬元不是天台誰挽春風到酒杯丹藥有靈能換種
黃花從此不須開已經晚節霜纔識不是寒香蝶亦猜
老眼淵明不今古幾回春去復秋來

夏日幽居二首

隱几青山意獨長回看人世易炎涼栽培得方江陵橘
薄惡傷心陸氏莊莫就一時論絳灌要從千載到羲皇
人間何處菟裘好擬問希夷買睡鄉



閉門終歲澹無求雲雨人情亦可憂斗酒難酬滿車望
杯羹直結殺身難平生幾緡謾多苦一日百錢姑少休
山鳥不鳴林影靜卧看蛛網罨蜂蟻

夏日飲山亭

借住郊園舊有緣綠陰清晝靜中便空釣意釣魚亦樂
高枕卧游山自前露引松香來酒盞雨催花氣潤吟
人來每問農桑事攷證床頭種樹篇

午睡

閑中何事不清妍鳥戀花陰伴晝眠窗外雨晴山有
枕邊風息樹無絃面前多放寬平地方寸嚴臨咫尺天
萬古羲皇有餘意不妨分我百來年

新晴

小雨新晴草色蘇家園生理未全踈埋盆欲學魚千里

蘇東坡詩集卷九

一一

試地先栽芋一區時與老農談稼穡不因閑客罷琴書
乾坤妙處無人會卧看墻陰雀哺雛

醉梨

白雪春香洗未殘玄霜誰遣凍成團漆封圓顆盤增滑
蜜和濃漿齒避寒綠蟻從今忘病渴金花無地著餘酸
快人風味依然在莫作尋常軟熟看

送人官浙西

江海十年幾戰酣劫灰飛盡到耕蠶亂離文物想猶在
凋弊徵科恐未堪眼底興亡即今古胷中形勝欠東南
因君漸有扁舟興佇待清風洗瘴嵐

九日客至

有人車馬訪柴桑怪見寒花滿意黃莫對青山談世事
試將華髮照滄浪淵明不與白蓮社程子猶憐綠野堂

他日燕南話耆舊此回風味亦難忘

贈趙丈八十詩 併序

趙文字澤民金義宗初年應律科中天下第一授商州知法尋除左部檢法遷新息令北渡客順天中統初擢為左三部司正致仕景州判官為人樂易寡默嘗與先人同應真定宣撫司辟召故予以父執事之今年八十餘里人好事者榮其壽諸公為賦詩而求予倡焉律學專門自可疑更從報施論心期干戈留在三章法松菊歸來兩鬢絲再拜通家惟此老百年涉世亦吾師平生辦作耆英序慚愧胸中壽域碑

九月晦日過鎮州宿趙徵士黃極道菴

慘酷姦訛禍世親翁張無復見真淳藏來龜六終留殼

淨修文集九

二二

調中狙三已自塵符藥真能度衰俗漁樵却恐有幽人
摩挲石刻皆名筆庭下寒花不似春菴取象藏六

寄張之傑

便擬庭闈捧檄過直須隨俗苦揚波一瓢有樂誰云細
三釜無歡亦謾多戰國遺風餘管樂南朝清議尚王何
見人時樣知吾拙獨誦滄浪太古歌

黃精地黃合釀名以地僊酒

僊家名品對蓬萊我誰信幽人用物多酒面白雲招我在
杯中華髮奈君何西山秀氣斲欲盡易水寒聲釀亦和
未望天行望千歲舉觴當和紫陽歌雲卧天行非予敢
議守一處和千二百歲晦翁調息箴也

席上分賦二杯二

隴鳥回頭意若何剗腸欲我鑑紅螺微茫山色詩痕在

艷瀆灘聲舒興多聖處已分糟與蟹醉來惟見酒成波
千年醒殺江魚腹悲恨生身向汨羅右螺

希夷尊俎永相忘混沌鑿開見此觴金橘有天容逸老
青田無地迴餘香雲中招飲留仙掌物外尋真得醉鄉
試向峨眉問啼鳥人間紅雨幾斜陽後蜀紀劉光祚進
挑核盃云得于華山陳搏邵康節謝人惠希夷尊詩有
仙掌峯岌峭不收希夷去後遂無傳能勘時事高擡手
善酌人情畧撥頭之句右挑

張氏西園

水府生煙晚更蒼翠陰含雨暗生涼人間豈有赤松子
天上應無綠野堂一日平原驚客散千年郭隗又臺荒
誰教老樹夕陽在留與憑欄遺興長

示彩鱗

靜修文集九

相思擬話百年情燈火直須幾徹明繼志未論班氏史
隆師何用鄭公名人門忠孝寧無責學術淵源先有盟
欲寄君詩仍感泣野夫能有幾門生

除夕

莫道春風室罄懸試看孤影伴頽然浮雲往事空千變
清鏡明朝又一年頭上無繩繫白日胸中有石補青天
幾時能了西山約六角黃牛二頃田

秋郊

行過青林徑欲還誰家茅屋在林間雲初湧出半含雨
風漸吹開微露山世味嘗來知懶貴物華老盡覺秋閑
天教勝境爲詩敵未許幽人穩閉關

薔薇酒

顏色醱醱茉莉香琉璃到手會須嘗一盃滄海泡成幻

萬市花菴醉有鄉涼冷併收天水碧輕陰猶帶女真黃
錦囊盡貯春風在別是僊家不老方

服食家有
餌齋法

送董巨濟尋親

花繞東鄰竹馬鞭春隨西舍板輿背白雲尚在棲遲地
彩服俄驚喜懼年樵爨定知生趣樂兒孫多向老來憐
阿翁別後還家夢比擬思親恐未偏

賈氏溪堂

澹澹春波遠更宜丘山華屋總成非來今往古年華在
厚地高天人力微世上紅塵無此客杯中明月有清暉
燕南盛事君須記曾為東湖盡醉歸

望易京

亂山西下鬱岩堯還我燕南避世謠天作高秋何索寞
雲生故壘自飄蕭誰教神器歸羣盜只見金人泣本朝

韓偓文集

卷之四

莫怪風雷有餘怒田疇英烈未全消

七月九日往雄州

秋聲浩蕩動晴雲感慨悲歌氣尚存灑落規模餘顯德
承平文物記金源生存華屋今焦土忠孝遺風自一門
白髮相逢幾人在蒼煙喬木易黃昏

水門菴

池煙林影澹無姿物外高寒兩石磯雲水流行寧有跡
乾坤俯仰自相依波涵晴景動猶靜鳥戀幽人去復歸
回首塵緣吾未了靈風且莫故吹衣

答或者以所註孫子見示

二首

學術兵農豈盡無規模如此亦區區權書不免增多口
霸論誰教混一途親手申韓如果有許身管樂未全誣
千秋萬古中庸在留與橫渠作後圖

邵公武讀書志有

誰遣歐陽筆有神微詞端不赦堯臣樵夫見笑寧無愧
童子羞稱亦可人但得躬耕全性命猶勝偏霸在風塵
菊蕊一語宜深聽樓上元龍且莫嗔

溪光亭看雨

萬山齊擁白煙來木杪先聲失怒雷海岳奔崩換毛骨
乾坤收斂入胚胎龍公所蘊有如此塵世一清何壯哉
坐看神功空束手文陽華髮對蒼苔

避暑玉溪山

風露撩人儘力清也應知我到禪高秋聲滿谷有生氣
山意帶煙成遠形皎月欲升天失色白雲初出樹留青
他年若訪經行處合有先生避暑亭

飲江漢白

蘇軾詩集卷之九

四六

高亭飲興動江山為捲灘聲入坐間樽麴真能釀滄海
魚龍直恐盡神姦襄流謾說葡萄酒暖僊國曾分玉液慳
聞道兵塵理楚甸一杯誰與洗愁顏

鄉先生漢韓太傅嬰墓

章句區區老益堅百年軻死已無傳四詩今併毛公廢
三策聊存董相賢祀典曾聞鄉社在荒墳重為里人憐
絃歌燕趙今誰見高詠周南獨慨然

玉柱雙清香

二氣元從太極分浮雲起滅見來真白虹貫日豪華散
砥柱中流意象新方寸有靈涵大塊頭顱無物隔蒼旻
藍田萬里煙生玉禾辨晴窓半穗春心無外跡無間吾

對菊

迂疎不辦一身謀鬢髮空添四海憂畫本流民今復見

詩家逃屋爲誰留黃茅安得千間厦白布空歌萬甲裘
政有南風曲中意可能獨醉菊花秋

西湖

水竇深藏十畝煙賣書直欲買魚船數椽破屋已自足
四海虛名良可憐醉後不知清露下興來擬共白鷗眠
濂溪謾有當年志老去而今只愛蓮

玉乳峯

亂山如擁欲爭先惟許孤峯入馬鞭舊見劍光曾犯斗
誰教箭筈亦通天只應絕頂千年石中有齊州九點煙
安得凌風乘此去東游滄海看桑田

積雨

萬象何爲入杳冥懸知物外自高明前年憂旱有今歲
半月閉門如一生捧日謾勞中夜夢補天誰識寸心誠

陰雲政使高千丈坐受魚鰓恐未平

溪光亭小憩

尋涼隨水到溪亭十里綠陰慙鳥聲自惜筋骸恒世故
豈知風露已秋清白雲似與山爭秀落日放教川盡平
六月農家猶赤地登臨舒嘯若爲情

都山劉丈九十詩卷

感事還悲負米身此生無復九齡親干戈誰共知年喜
天地獨全愛日真只擬商顏亦秦土豈期唐水尚堯民
曾中壽域平生在開卷題詩覺有神

秋夜

已喜山深稱野情每慙無物慰諸生書貪日課不時睡
雖爲誦聲長早鳴病後端居信張詠靜中未發有延平
誰知今日絕絃意却恐人間知此聲

憫旱

農父看雲淚亦乾靈湫誰信欲生煙萬金良藥汗猶出一寸丹心天可旋未便無食思樂土不禁憂國願豐年為占河漢中宵起獨對殘燈理斷編

過徐橋

老岸石欄曙色分只疑身是入山雲十年往事不回顧百里清泉如可聞人世誰教有長路坤靈終亦化塵氛興亡更遣陂塘在幾欲悲歌酒未醺

宿龍宮

擬欲題詩贈白雲且傾濁酒洗塵氛閑將談笑論當世却喜稱呼是隱君天柱舊曾分戶帖神林今又有移文夜深長缺悲歌罷此曲山靈恐未聞

過東安趙宋先塋

五季風煙慘畫羅渠兒有志亦雄哉累朝禪策皆虛器千古黃袍又厲階文物漢唐今已盡史編南北更堪哀荒墳一品知何處猶遣石麟草半埋

秋夜

坐困沉思強起行虛庭涼露下無聲為爾寂寂人莫笑不肯碌碌君何成萬古興亡天亦老百年身世夜難明情知不為學仙去也欲蓬瀛寄此生

洪元宮

明日搬到天城

樹邊平野接晴霞脚底清江走白沙方外道人留客住門前塵世倩山遮自慚爛賞無多暇更有行窩第一家煙雨兩陂皆古木興來便作上天槎

哭王之才編脩

草草離觴記去年誰知此別是終天傳雖成癖今安用

史未爲榮應自憐
四坐高談宛猶在一
經白髮竟無傳
交明日與來書少
不過西州亦泫然

張仲賢宣慰淮東
過予山中臨別贈詩
庸見定交之意云

昨夜相逢終夕話
今朝送別百年情
世緣盡付禪心在
官况併隨詩境清
此日救焚猶有望
他年勇退豈無盟
知君苦愛希夷老
莫厭山深不寄聲

白海青

扶餘玉爪舊曾聞
青鳥猶霑海氣昏
掌上風標有如此
眼中神駿更憐君
平蕪未洒頭鵝血
春水誰開獵騎門
過應昏鴉莫回首
霜拳高興在空雲

城樓待雨

雨入江樓勢欲吞
雷轟何止語難聞
未憂彼岸將爲壑

靜修文集九

九

只恐吾山盡化雲
風伯爲誰能却敵
物華依舊歎如焚
百年人事今如此
猛拍欄干怨夕曛

憇謁山寺

石田霜落晚蕭騷
一徑禪扃亦自高
九萬里風安稅駕
三千世界等秋毫
山哀似苦天相罩
秋老不禁詩太豪
西望雙龍有高隱
結菴終擬近林臯

唐張忠孝山亭故墓

斷碑藩鎮記當時
杯酒談兵少牧之
山色何曾間今昔
人才初不限華夷
水波風起心猶壯
木杪秋生鬢已知
莫更候雲臺上望
武陽禾黍亦離離

武陽故臺

仁義徒令此舌存
轍環初不救紛紛
天公欲爲秦漢計
野色更無燕趙分
滿眼兵塵餘故壘
一聲樵唱入秋雲

擬乘碣石觀滄海易水東流去不聞

次韻答范陽郭生

默坐誰窺樂境深無絃初不用知音曲肱睡起亦何事
弄月歸來徒自吟多愧寄書勤訪道未嫌傾蓋即論心
西山百里平如案欲認東州煙雨侵

登武遂北城

神州英氣鬱高寒臂斷爭教不再連千古傷心有開運
幾人臨死問幽燕平生卧榻今如此百萬私錢亦可憐
咫尺白溝已南北區區銅馬爲誰堅

三先生文集卷之九



靜修先生文集卷之十

七言律詩

定興文廟枯杏復花其尹求詩

手澤天教擗存窮鄉枯朽亦霑恩敢將吾道論榮悴
且喜甘棠見子孫但使儒林有限祗會看寒谷變春溫
題詩當作諸公唱百里東州又故園

訾相士詩卷

形聲感物即天成善惡因心有相生人事百年隨反覆
二谷一日幾陰晴僕夫茗碗何妨共厮役王門未可輕
不向訾家洲上醉曾中風監恐難平

寄彥通

青芻白飯思依然燈火山亭暮雨前不意相思渾百里
直教一別動經年久甘分席推天下敢望過門長者先

靜修先生集卷之十

自是煙霞愛招客可無佳句助清妍

癸酉大雨次人韻

黑風吹海入天飄誰信銀河直下潮渾沌只疑還太古
規模應欲復唐堯衣冠半夜方孤坐塵溷千年共一漂
且喜開簾見白日不瀆隴畝問秋苗

次韻答河間趙君玉見寄

出門紛擾互相侵常使幽人懶病深前月借書來水北
去年採藥到城陰黃精已倩徐生斲蒼木新教石老尋
只有煙霞肯賒借無人曾送買山金

次韻答王之才見寄

瀟瀟霜葉打窻踈耿耿寒燈伴獨居鄉議謾評康節僻
後賢方識子雲書詩成已破三絨戒臂穩因思九折初
明日相望在何處青山佳處即吾廬



付阿山誦

十畝荒田不自耕，半心樓觀幾時成。人因遇困方言命，我爲求奇反喪名。此土一要知燈是火，向來空指鴈爲羹。新詩銘在山童口，百過高歌告乃兄。

水北道館

會從氣朗看春朝，始信蘭亭水石遙。物外壺公能避世，山中梁父不知堯。波間明月隨吾取，松上白雲如見招。曉策重來有成約，無妨談易對漁樵。

與客會飲野亭

遙岑一碧淡相依，野態行雲意共遲。多病留侯寧復偉，長身諸葛但如癡。相思千里尊酒盡，永嘯一聲山鳥悲。風袖翩翩此何處，青林西北雨來時。

晨坐

靜修文集十

共笑龕中坐已癡，環堂燈火誦聲遲。人才興替世所係，瓶水溫涼天可知。老健每因多病後，一寒偏怯欲明時。三年馬隊成何事，采菊南山舊有期。

野興

得意江山入酒樽，乾坤英氣未沉淪。莫思世事兼身事，不薄今人愛古人。明月清風無盡藏，野花啼鳥一般春。客來惟說煙霞好，只恐先生醉後嗔。

郭太守提舉松江

蔡公聲望動江東，應識頭顱肖外翁。陵谷初經新化日，尊鱸不似舊秋風。看雲正要志憂計，避瘴無如寡欲功。萬里吳松憑寄語，并刀明日試曾中。

新秋

俗物何嘗擾病懷，憐渠孤憤若爲開。人生如此亦安用。

野鶴翩然去不回萬古青天留月在幾聲白鴈送秋來
西城無限峯巒好擬對一峯傾一杯

放歌

莫道人生能幾何金銀宮闕亦無多垂楊流水輕風裏
碧落銀河暮雨過天地此身真逆旅雲山到處是行窩
九原喚起堯夫老我舉一杯君試歌

雙清堂遺址

心遠由來地自偏若分心跡已非賢結廬人境元無害
跨鶴揚州更兩全石頂經龕有隨處山中學館竟何年
馬頭果要爲初祖擬問西崑借一塵

反垂柳短吟

偃蹇高松雪漫飛最憐憔悴綠揚枝青絲曾識鶯聲軟
黃葉俄驚馬足遲有分只偷春色早無心要結歲寒知

靜修文集一

不應再得東風力更與行人管別離

玉簪

花中冰雪避秋陽月底陰陰鎖暗香玉瘦每憂和露滴
心清惟恨有絲長且留宛轉圍沉水莫遣聯翩入粉囊
只許幽人太相似蒼苔踈雨北窓涼

爆栗

山家愛客夜留連奮發驚聞一栗先鑿竅誰言無渾沌
弄九令喜得天全香甘合用金甌選冷淡那容玉版禪
回首燕秦幾陵谷眼中繁富竟何年

示有寄

南隣新膾北隣醅莫忘蓮湖舊釣臺根抵自宜留故土
焰中真見有寒灰短長無就相形看消息當從既往推
遙想西城共登眺水光山色亦悠哉

宿鄉僧致公房

倦客歸來借夕眠，偶因相敬識君賢。
常勤有酒沽陶令，每愧無衣謝大顛。
謂暢墨名聊況應，論周陰助豈誠然。
平生親切冠巾語，欲發還休亦可憐。

哭申也

悲來思汝不可置，揮淚問予何所悲。
青欲出籃今遽爾，白能受采復誰期。
粥杯屢進知君篤，藥裹親嘗豈我欺。
從此陳編只獨理，不堪燈火夜涼時。

秋霖

春旱泥倉恐謾傳，誰從積雨得豐年。
麻衣有垢供秋餅，土銼無文換曉煙。
果為松薪禁明月，真教斥鹵變桑田。
胸中幾許晴寬在，四海霖霖獨慨然。

贈韓道人

積學輪翁氣稟真，胸中鵬賦自凌雲。
靈砂換骨知何物，道蘓降心亦謾云。
銅泣露盤經幾見，鶴言華表竟誰聞。
風流大父承平事，賴有當年李少君。
韓及識子先大父今百三歲矣

海南鳥

越鳥羣飛朔漠濱，氣撥千古見真純。
紇干風景今如此，故國園林亦暮春。
精衛有情銜太華，杜鵑無血到天津。
聲聲解墜金銅淚，未信吳兒是木人。

贈司馬道士

仙界清涼亦陸沉，風流儒素渺難尋。
白雲自解留佳客，青幘端能爍壯心。
知己未論鵬鳥賦，移人先聽水仙琴。
野人近有南來興，乞我菴前十畝陰。
司馬氏陵川名家陸或謂清涼境界

春日游山

川氣迎晴澹，作春泉聲招客浩。
如神隨時俯仰有，魚鳥

乘興往來無主賓碧水白鷗心共往浮雲蒼狗態誰真
平生經濟程夫子年少看山意已親不是吾儒本經濟
等閑爭肯出山來明道少作

會飲北山

相逢相飲莫相違往事紛紛何足悲別後幾經滄海淺
歸來豈止昔人非此山變滅終如我後會登臨知與誰
今古區區等如此不須辛苦嘆斜暉

次韻答趙君玉

萬古西山翠不收一菴今在白雲頭開軒招月澹相對
倚杖聽泉清可收已喜凌空有高興豈知臥病阻同游
南湖燈火十年夢舊好何時得重修來詩有千崑萬壑
春風動安得凌空訪靜修之句故及之

登中山北城

黃金一夕冷如鎖劉項蕭然恐未真世事惡盈應有數
天心撥亂豈無人陵遷谷變橫流地郊復巢傾死節臣
毛髮諸孫生氣在九原精爽稟猶新子曾伯祖奉議府
君貞祐初死節中山而降沒焉

題贈却道人詩卷

開卷煙霞著莫人紫芝瑤草一方傳法筵古禮存三代
野服遺風見一痕唐水堯山猶樂國葛洪張果有山村
何時輦母東隣了老婦烹茶自應門

暮春山游

萬山傍繞翠爭新兩澗平分月有隣木杪柴關如看畫
杖陰苔徑欲凝塵浮雲柳絮人間世流水桃花物外春
杯酒狂歌極浩蕩野煙晴樹望中勻

新曆

山家曆日年年有，林鳥園花報四時。建戌預求尋樂月，逢辰娶及種瓜期。曾中堯典二三策，夢裏陶風第一詩。餘韻十年宛如在，晴窓倦卷不勝悲。

千戶喬侯挽卷

拱木秋聲尚凜然，平生鄉國愧幽燕。千家聚落郎山紫，四海牢籠勅勒天。龍虎風雲空一夢，關河形勢託當年。重侯累將應須念，創立艱難亦可憐。

宿華陽臺

石徑盤盤擁亂霞，雲間雞犬是誰家。空山月出人境失，高樹露涼秋氣加。蜀道青天休種杞，武陵流水謾尋花。太行東北三千里，尺借晴嵐染鬢華。

飲聞雞臺

出門人事厭紛紛，春色三分已二分。十步離山九回顧，

一杯到手百無聞。蒼江天地有如此，磊落古今何獨君。欲向荒臺問遺跡，水明沙浦只行雲。

留題山房

靈風縹緲竹花飛，怪石參差樹影齊。壺裏有天藏日月，杯中無海飲虹蜺。松生天古鶴應識，路入白雲山盡低。萬里黃塵一回首，微茫煙水意悽迷。

西山雅會

山色舊無今日濃，雅期新得與君同。曾懷霽月十年後，樽俎春風一月中。靜裏乾坤無彼此，眼前花柳各青紅。高情久已忘琴了，誰管殘陽送去鴻。

次韻閔雨

西酉凶豐不偶然，今年千里土生煙。夢游樂國每嫌覺，望見僊雲猶酷憐。必竟蛟龍思得雨，何勞蟻蝨謾呼天。

山人萬慮消磨盡惟有憂農阻靜便

宿趙山人房有懷

書劍南游氣吐蜺歸來華髮首難低江山應識千年鶴
豪傑空慙半夜雞物外有天藏太古人間何地種丹萸
相思日暮一杯酒望斷碧雲何處棲

有懷

百年身世付秋毫萬里雲霄有羽毛樓上詩成山欲動
眼中人去氣誰豪崔嵬自可兄呼石憔悴直須僕命騷
樽酒論文復何日西風迢迢暮鴻高

樓上

樓觀參差接大荒五雲分我白雲鄉卧之地上太行小
來自帝傍春夢長灝露明河氣蕭瑟黃塵落日煙蒼茫
清風簾外問何寧玄鶴飛鳴天一方

靜修集一

二十七

白溝

寶符藏山百可攻兒孫誰是出羣雄幽燕不照中天月
豐沛空歌海內風趙晉元無四方志澶淵堪笑百年功
白溝移向江淮去止罪宣和恐未平

何太夫人生日

夜夜東隣有香火高門因得百年心蟠桃結實世誰見
隆棟駭人根自深經卷病餘猶早起絲車老去亦親臨
父知吾友閑居意惟願慈顏事不侵

次韻劉尚書 尊號禮成

萬姓瞻天仰泰階老人星見五雲開混同直擬千年論
積累元從百世來含哺豈能逃帝力有根無不待春雷
舉頭日近長安遠葵藿傾心即壽杯

貧士

貧士出門多掣肘聞君幾次謾徘徊不思學館二年舊
肯爲山翁百里來又倚通家魯賓主新知不飲罷尊壘
殷勤莫厭通宵話聽說天明即欲迴

故人見訪山中

客子畏人常簡出病來庭戶益荒蕪多時畧闕通書問
遠路遙慙送藥須掃地預占燈燼喜敲門遙認草亭孤
故人知我無供給故著看山慰野夫

涑陽季丈九十壽

九十餘年何限事向人惟指鬢毛霜偶因飲酒驚遲醉
不信看書託健忘還拜噴扶緣敬客近游多步爲居鄉
自慚犢子顛狂在世故艱難未備嘗

登高有感

踈煙晴曉散輕寒秋色滿林霜氣閑今古消沉幾白日
乾坤灑落一青山半生心苦頭先老兩姊墳荒淚未還
瞬息西風解千里憑高聊爲送餘潒

送人官吳中

天徹藩籬要混通古來佳麗數吳中送君如對秋風起
恨我不隨江水東五瘴可防鄉土異孤雲須念母心同
畫圖留取風煙看莫趁并刀一剪空

孫沁州哀挽

驚看哀誄爲君傷一面十年不易忘秦府舊稱天下選
無人元有北方強平生豪氣餘丘土寤寐神交只月梁
聞說條陳有遺草承家洗最看髯郎

靜修先生文集卷之十一
五言絕句

明珠穴 二首

珠從何處來秀與天地生
涵蘊幾千古得此風雷聲
山從何時裂珠去誰當還
餘光爛猶在照我方寸間

滴水龕

膚寸遍天下至靜涵氣益
因看石滴水窺見未生雲

石潭

清不見羣魚暗不藏
毒怪觀物得吾師
終日欲相對

春日

游絲困無力欲起重悠揚
芳草落花滿相思
春晝長

慎獨

一葉下秋水微波去不停
望中猶隱隱直欲到滄溟

毀譽

子賤波及魯犁牛不累駢
寸心仁厚處萬物自生成

偶書

意當極快處心有不平時
少忍容無害欲言當再思

夢中作

溪童望水滴日夜愁不已
雖非鷗鷺身亦有相關意

觀化

風雨何方來呼童出門望
歸報是羣蜂聲在庭花上

四皓圖

雖戀紫芝美難忘帝力深
驅馳恨臣老高尚豈初心

石鼎聯句圖

玩世如一鼎姓名誰得聞
仙翁應自笑知我有鄙忻

白樂天琵琶行圖

冀馬嘶寒風逐臣念鄉國江浦聞哀絃長吟望西北

百蝶圖

芳蝶具百種幽花散紅翠道人觀物心一一見春意

子期聽琴圖

琴瑟自吾事何求人賞音絕絃真俗論不是古人心

夢題村舍壁上

乙卯正月三日

村居有何樂所樂人真淳回看城市中居此勝買鄰

村居雜詩五首

隣翁走相報隔窻呼我起數日不見山今朝翠如洗

黃昏雨氣濃喜色滿南畝誰知一夜風吹放門前柳

獨立偶懷古臨風還自傷一聲樵唱起回首暮山蒼

削樹題詩句畫沙知酒籌他年成故事蕭散更風流

芳茵皆可藉緩步即吾車乘興三杯酒隨行一策書

人韻修卷十一

一一一

屏上草蟲

四首

螳螂

逢物即能產其滋乃爾蕃不知何所積擬欲問乾坤

蝸牛

背上穹廬好問蟲誰汝施始知天地內棟宇匪人為

蟻蛄

後利前還流陰陽體段分不須觀兔尾即此見義文

蝨斯

陽施陰專受精醇物始真蟲魚寧解此聊用比振振

飲山亭雜花卉八首

牡丹

世變日以文花卉亦應爾懸知太古時其美未如此

芍藥

宜致美人贈服之良有功分形雖異種氣類暗相通

薔薇

色染女真黃露凝天水碧花間日月長朝暮關兩國

萱草

丹鳳忽飛來喜色滿朝露何以稱此花白頭戲嬰孺

夜合

消念緣無毒合昏如識時韋絃千古意百繞惜芳枝

酴醾

勿剪架上花不是畏多刺得陰難忘枝曾向花陰醉

木槿

已拆暮雖落未榮朝又花生生如道體堪玩不堪曉

蜀葵

且勿論傾陽色香尤可喜人情輕所多共愛姚黃美

靜修文集卷之四

看雪

雪花不擇地隨風恣飄蕩數片如有情飛落梅梢上

絕句

溪童出門望鷗鷺浦空下江水澹無情盡是忘機者

出花

下石綠珠井交面昭君村坐令宜花地亦復愁移根

商方爵

商爵既云古那堪形更奇不宜燕市酒雅稱野夫詩

盆池

有月湛秋影無風生小波澄心一相對今夜興如何

偶書

二首

纍纍山下塚渺渺嶺頭雲歲晚不歸去笙鶴應望君

昨日宋人苗今日牛山木寄語芒芒人管取牛羊牧

箕盤

不作甕商舞林停餅氏歌執籌仍敵篋辛苦欲如何

呂洞賓畫像

微茫洞庭曉蕭灑崑崙秋海蟾生碧天相從何處游

鴈圖

夢回煙水寒鴻鴈驚不起道人心久閑相忘有如此

史處士挽章

平昔未相識幾回曾寄聲今朝聞謝世便有故人情

飲山亭獨坐

野性靜成癖幽居懶似高青山卧床下初不厭人豪

愛玩不能去山晴雲卷舒敲門者誰子聊復忍斯須

偶成

夢回聞雨聲忽覺是風葉問予何以知仰見梁間月

溪橋步月圖

山中有幽人獨步溪橋月莫問興如何披圖亦清絕

題山水扇頭

山近雨難暗樓高秋易寒憑誰暮雲表添我倚欄干

兩山環合一水中有老木參天不著幽人草閣誰收無

限風煙

